

Lorpitan Trio Hard Capsule

Aprepitant (80 mg, 125 mg)

Apakah yang ada pada risalah ini

1. Apakah kegunaan Lorpitan Trio (Aprepitant Capsule)
2. Bagaimana Lorpitan Trio (Aprepitant Capsule) berfungsi
3. Sebelum menggunakan Lorpitan Trio (Aprepitant Capsule)
4. Cara menggunakan Lorpitan Trio (Aprepitant Capsule)
5. Semasa menggunakan Lorpitan Trio (Aprepitant Capsule)
6. Kesan-kesan sampingan
7. Cara penyimpanan dan pelupusan Lorpitan Trio (Aprepitant Capsule)
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor siri

Apakah kegunaan Lorpitan Trio (Aprepitant Capsule)

Lorpitan Trio (Aprepitant Capsule) yang digunakan bersama dengan ubat lain untuk mencegah dan mengawal loya (rasa mual) dan muntah-muntah yang disebabkan oleh rawatan kemoterapi kanser yang anda hadapi.

Bagaimana Lorpitan Trio (Aprepitant Capsule) berfungsi

Lorpitan Trio (Aprepitant Capsule) tergolong dalam kelas ubat yang digelar antagonis reseptor neurokinin 1 (NK₁) bertindak dengan menghalang isyarat ke bahagian otak yang mengawal loya dan muntah- muntah.

Sebelum menggunakan Lorpitan Trio (Aprepitant Capsule)

- Bila tidak boleh menggunakan
Jangan makan Lorpitan Trio (Aprepitant Capsule) jika anda alah terhadap mana-mana bahannya.

- Sebelum mula menggunakan Lorpitan Trio (Aprepitant Capsule)
Beritahu doktor tentang perkara-perkara yang berikut, jika berkenaan dengan anda:

- masalah kesihatan yang pernah ataupun yang masih dihadapi.
- alahan.
- semua ubat yang sedang anda guna ataupun yang anda bercadang untuk guna, termasuk ubat yang boleh anda dapati tanpa preskripsi ataupun produk herba.
- intoleransi terhadap mana-mana jenis gula kerana ubat ini mengandungi sukrosa.

Penggunaan oleh kanak-kanak

Penggunaan Lorpitan Trio (Aprepitant Capsule) belum dikaji terhadap kanak-kanak dengan secukupnya. Oleh itu, Lorpitan Trio tidak harus diberikan kepada kanak-kanak yang belum mencapai usia 18 tahun.

Penggunaan oleh warga emas

Keberkesanan Lorpitan Trio (Aprepitant Capsule) dan toleransi kepada Lorpitan Trio (Aprepitant Capsule) adalah sama dalam golongan orang yang lebih tua dan orang dewasa yang masih muda. Dos tidak perlu diubah bagi orang tua.

- Jika menggunakan ubat-ubat lain

Jangan makan Lorpitan Trio (Aprepitant Capsule) dengan pimozide (digunakan untuk merawat penyakit jiwa), terfenadine dan astemizole (digunakan untuk merawat alergi dan alergi yang lain) atau cisapride (digunakan untuk merawat penghadaman).

Menggunakan Lorpitan Trio (Aprepitant Capsule) dengan ubat-ubat ini boleh mengakibatkan masalah yang serius ataupun yang mengancam nyawa.

Doktor anda mungkin akan menentukan keberkesanan ubat-ubat anda yang lain jika anda makan ubat-ubat tersebut bersama-sama dengan Lorpitan Trio (Aprepitant Capsule), seperti:

- ubat antikeresahan (seperti alprazolam)
- ubat pencegah kehamilan (yang mungkin tidak bertindak dengan baik)

- warfarin (ubat pencair darah)
- ketoconazole (ubat antikulat)
- rifampin atau clarithromycin (antibiotik)
- paroxetine (ubat untuk merawat beberapa jenis kemurungan)
- diltiazem (ubat untuk merawat tekanan darah yang tinggi)
- dexamethasone (sejenis Kortikosteroid untuk merawat keradangan)
- Carbamazepine (ubat untuk merawat sawan)
- St John's Wort (ubat herba untuk meraw at gangguan mental)
- tolbutamide (ubat untuk merawat penyakit kencing manis)
- phenytoin (ubat untuk merawat sawan)

Cara menggunakan Lorpitan Trio (Aprepitant Capsule)

- Berapa banyak harus digunakan dan bila perlu digunakan

Rejimen Lorpitan Trio (Aprepitant Capsule) 3 Hari

- Hari 1 (Hari Kemoterapi): Lorpitan Trio (Aprepitant Capsule) 125 mg akan diberikan kepada anda untuk dimakan 1 jam sebelum anda memulakan rawatan kemoterapi pada Hari 1.

- Hari 2 dan Hari 3 (kedua-dua hari selepas kemoterapi): Makan satu Lorpitan Trio (Aprepitant Capsule) 80 mg setiap pagi selama 2 hari selepas anda menjalani rawatan kemoterapi.

Lorpitan Trio (Aprepitant Capsule) boleh dimakan berserta makanan ataupun tanpa makanan.

- Berapa lama perlu digunakan

Lorpitan Trio (Aprepitant Capsule) digunakan selama 3 hari.

- Jika terlupa menggunakan

Cuba makan Lorpitan Trio (Aprepitant Capsule) seperti yang dipreskripsikan. Walau bagaimanapun, jika anda terlupa memakan satu dos, hubungi doktor anda untuk mendapatkan arahan selanjutnya.

Lorpitan Trio Hard Capsule

Aprepitant (80 mg, 125 mg)

- Jika menggunakan berlebihan (terlebih dos)

Jika anda termakan melebihi dos yang dipreskripsikan, hubungi doktor anda dengan segera. Rasa mengantuk dan sakit kepala dilaporkan berlaku pada seorang pesakit yang termakan terlalu banyak aprepitant.

Semasa menggunakan Lorpitan Trio (Aprepitant Capsule)

- Perkara yang perlu lakukan

Beritahu doktor jika anda:

- Hamil atau bercadang untuk hamil; dan
- Sedang atau bercadang untuk menyusukan anak dengan susu badan.

Lorpitan Trio (Aprepitant Capsule) harus digunakan semasa hamil dan semasa menyusukan anak dengan susu badan hanya jika manfaat yang mungkin diperoleh mewajarkan risiko yang boleh mengancam si ibu dan janinnya.

- Perkara yang tidak boleh dilakukan

Ingatlah bahawa doktor telah mempreskripsikan ubat ini hanya untuk anda. Jangan berikan ubat ini kepada orang lain.

- Perkara yang perlu diberi perhatian

Pemakanan yang baik penting untuk semua orang, tetapi lebih penting lagi bagi mereka yang sedang menjalani kemoterapi. Memakan sedikit-sedikit dengan kerap atau mengambil snek sebelum menjalani rawatan kemoterapi juga boleh membantu anda bertoleransi dengan lebih baik. Bincang dengan ahli profesional kesihatan anda untuk mendapatkan maklumat selanjutnya.

Kesan-kesan sampingan

Mana-mana ubat pun boleh memberikan kesan yang tidak diinginkan, yang digelar kesan sampingan.

Sama seperti semua ubat yang lain, Lorpitan Trio (Aprepitant Capsule) juga boleh menyebabkan kesan sampingan. Dalam kajian yang telah dijalankan, kesan sampingan lazimnya ringan atau sederhana. Kesan sampingan ini pada amnya tidak menyebabkan seseorang itu berhenti memakan Lorpitan Trio (Aprepitant Capsule).

Kesan sampingan yang paling biasa berlaku dalam kalangan pesakit kanser yang mengikuti regimen Lorpitan Trio (Aprepitant Capsule) 125 mg atau 80 mg merangkumi sedu, letih, sembelit, sakit kepala, ketidakhadaman, peningkatan enzim hati dan hilang selera makan.

Kesan sampingan yang berikut pernah dilaporkan dengan penggunaan am Lorpitan Trio (Aprepitant Capsule):

- Tindak balas alergi, yang mungkin serius, termasuk geligata, ruam dan gatal-gatal, yang boleh menyebabkan kesukaran bernafas atau kesukaran menelan. Jika anda mengalami tindak balas alergi, berhenti memakan Lorpitan Trio (Aprepitant Capsule) dan hubungi doktor anda dengan segera.
- Tindak balas kulit yang teruk juga boleh tetapi jarang-jarang sekali berlaku.

Kesan sampingan yang lain juga boleh berlaku dengan jarang dan sama seperti mana-mana ubat yang lain, ada yang mungkin serius. Tanya doktor atau ahli farmasi anda untuk mendapatkan maklumat selanjutnya. Mereka ada senarai kesan sampingan yang lebih lengkap. Beritahu doktor atau ahli farmasi anda dengan segera tentang simptom ini atau tentang apa-apa simptom lain yang luar biasa.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → Reporting Side

Effects to Medicines (ConSERF) or Vaccines (AEFI)]

Cara penyimpanan dan pelupusan Lorpitan Trio (Aprepitant Capsule)

- Penyimpanan

Simpan di bawah suhu 30°C.

Lindungi daripada kelembapan dan cahaya.

Simpan Lorpitan Trio (Aprepitant Capsule) dan semua ubat dengan selamat, jauh daripada kanak-kanak.

- Pelupusan

- Jangan gunakan ubat ini selepas tarikh luput
- Jangan mengambil Lorpitan Trio (Aprepitant Capsule) jika anda mendapati perubahan dalam penampilan pada produk tersebut. Hubungi doktor atau ahli farmasi anda.
- Jangan buang ubat ini bersama-sama air buangan atau sisa isi rumah. Tanya ahli farmasi tentang cara membuang ubat yang tidak diperlukan lagi. Langkah-langkah begini akan membantu memelihara alam sekitar.
- Anda boleh mendapatkan maklumat lanjut daripada doktor atau ahli farmasi anda, yang mempunyai maklumat yang lebih terperinci.

Maklumat lanjut

- Rupa and warna produk

Lorpitan Trio (Aprepitant 125mg Capsule):

Putih hingga putih pudar pelet berbentuk sfera, saiz kapsul 1, kepala berwarna merah jambu legap dan badan putih legap, cetakan hitam "125mg"

Lorpitan Trio (Aprepitant 80mg Capsule):

Putih hingga putih pudar pelet berbentuk sfera, saiz kapsul 2, Kepala dan badan berwarna putih legap, cetakan hitam "80mg"

Lorpitan Trio Hard Capsule

Aprepitant (80 mg, 125 mg)

- Bahan-bahan kandungan

10-April-2025

- Bahan aktif:

Lorpitan Trio (Aprepitant 125mg
Hard Capsule):
125mg aprepitant dalam setiap
kapsul

Nombor siri

NPRA (R2) 24/101

Lorpitan Trio (Aprepitant 80mg
Hard Capsule):
80mg aprepitant dalam setiap
kapsul

- Bahan-bahan tidak aktif:

*hydroxypropyl cellulose, sodium
lauryl sulphate, sucrose, Spheres of
Cellulose microcrystalline, purified
water*

- Komposisi cangkang kapsul:

Kepala kapsul: *Titanium dioxide (E
171), Red iron oxide (E 172),
Gelatin*

Badan kapsul: *Titanium dioxide (E
171), Gelatin*

- Komposisi dakwat hitam yang
dicitak pada kapsul:

*Shellac (NF, Ph. Eur.), Ammonia
(NF, Ph. Eur.), Propylene glycol
(USP, Ph. Eur.), Potassium
hydroxide (NF, Ph. Eur.), Black
iron oxide (E172) (NF)*

- Nombor MAL

Lorpitan Trio (Aprepitant 125mg
Hard Capsule):
MALxxxxxxxxAZ

Lorpitan Trio (Aprepitant 80mg
Hard Capsule):
MALxxxxxxxxAZ

Pengilang

Ethypharm
Chemin De La Poudriere, Le Grand
Quevilly, 76120, France

Pemegang Pendaftaran Produk

GIRAFFES ENTERPRISE SDN.
BHD.
C18-3A, 3 TWO SQUARE,
JALAN 19/1, 46300, PETALING
JAYA, SELANGOR

Tarikh kemaskini RiMUP